

Sarkina Bt Mat Saad @ Shaari

From: Unit Komunikasi Korporat
Sent: Sunday, November 4, 2018 2:35 PM
To: UUM - All Staff; UUM - All Students
Subject: Cabaran Besar Kekalkan Kecemerlangan UUM



Unit Komunikasi Korporat
CORPORATE COMMUNICATION UNIT
Universiti Utara Malaysia

4 NOVEMBER 2018 / 26 SAFAR 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media
Gambar oleh: Unifilm

CABARAN BESAR KEKALKAN KECEMERLANGAN UUM



UUM ONLINE: Kuala Lumpur - Seiring dengan perkembangan maju yang dikecapi, Universiti Utara Malaysia (UUM) terus menonjolkan pencapaian yang membanggakan.

Pengerusi Lembaga Pengarah Universiti, Prof. Dato' Dr. Sudin Haron berkata, berikutan pencapaian demi pencapaian yang diperoleh UUM itu, adalah menjadi satu cabaran untuk memastikan UUM berkembang maju dan terus mengekalkan kejayaan serta kecemerlangan yang telah dicapai.

Menurutnya, dalam mengekalkan kecemerlangan itu, '*worklife balance*' dalam kalangan warga kerja UUM tidak akan dilupakan agar ia dapat diterap dan dikekalkan.

"Pada masa sama, saya akan berusaha memastikan fokus UUM sebagai institusi pendidikan dimartabatkan sepenuhnya sebagai sebuah tempat untuk melatih dan melahirkan graduan yang berkualiti tinggi serta berintegriti.

"Selain itu, nilai-nilai murni yang diamalkan dengan motto 'ILMU, BUDI, BAKTI' dapat diamalkan dengan lebih baik lagi seperti menjaga persekitaran yang bersih, gaya hidup sihat, mengelakkan pembaziran material, masa dan tenaga, penjagaan kesihatan kakitangan serta mengurangkan karenah birokrasi dan protokol," katanya pada Majlis Serah Terima Tugas Pengerusi LPU UUM di EDC Hotel, baru-baru ini.

Prof. Dato' Dr. Sudin berkata, Tan Sri Siti Sa'diah Sheikh Bakir telah menyumbang bakti kepada UUM selama hampir 3 tahun bermula sejak Mei 2016 sehingga September 2018.

Katanya, dalam tempoh tersebut, banyak kejayaan dan pencapaian yang telah dicapai sama ada di peringkat nasional atau antarabangsa hingga membolehkan UUM menjadi pesaing hebat kepada lima Universiti Penyelidikan (RU) di Malaysia.

Tambahnya, beliau berharap sokongan dan kerjasama dari seluruh ahli LPU, pengurusan tertinggi UUM serta seluruh warga UUM bagi memastikan segala perancangan untuk UUM dapat dilaksanakan.

Sementara itu, Naib Canselor, Prof. Dr. Ahmad Bashawir Abdul Ghani berkata, sumbangan Yang Berbahagia Tan Sri kepada pembangunan dan kecemerlangan UUM sepanjang memimpin UUM sangat signifikan dengan pencapaian yang telah diperolehi.

Menurutnya, beliau bagi pihak warga UUM merakamkan setinggi penghargaan dan terima kasih di atas sumbangan dan komitmen Yang Berbahagia Tan Sri yang tidak berbelah bagi untuk memajukan UUM.

Katanya, beliau juga menaruh kepercayaan dan keyakinan dengan pengalaman Pengerusi LPU baharu yang pernah bersama UUM sejak 1989 sehingga 2006 dan juga pengalamannya bersama dunia korporat mampu mengekalkan dan membawa UUM ke tahap yang lebih tinggi sesuai dengan motto UUM untuk menjadi Universiti Pengurusan Terkemuka.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the

sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.